

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0063502 25
Zenica, 17.10.2025. godine**

**OPĆINSKOM SUDU U TEŠNJU
-Sudiji za prethodno saslušanje-
TEŠANJ**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem:

O P T U Ž N I C U

Protiv:

DŽ. M. zv. „Š.“, ..., neosuđivana, ne vodi se postupak za drugo krivično djelo,

što je:

dana 19.04.2025. godine, oko 11:25 sati, u mjestu ..., općina Tešanj, upravljajući putničkim motornim vozilom marke „...“, tip „...“, registarskih oznaka „...“ vlasništvo D. N., krećući se van kruga benzinske pumpe „...“ d.o.o. ... koja se nalazi na adresi ... i proteže uz Regionalni put ... koji povezuje Prnjavor i Novi Šeher, kao put s prvenstvom prolaza, vozila neoprezno i nedovoljno pažljivo te propustila postupiti u skladu sa saobraćajnom signalizacijom, svjesna da tako vozeći može ugroziti javni promet i dovesti u opasnost živote ljudi i imovinu, ali je olako držala da zabranjena posljedica neće nastupiti ili da će je moći spriječiti, pa je postupajući suprotno odredbama člana 130. stav 4. u vezi sa članom 49. stav 4. Zakona o osnovima bezbjednosti saobraćaja na putevima u Bosni i Hercegovini¹ i odredbi člana 29. stav 2. Pravilnika o saobraćajnim znakovima i signalizaciji na cestama² propustila da zaustavi vozilo na zaustavnoj liniji te vozilom kojim je upravljala preduzela radnju uključivanja na Regionalni put ... na mjestu na kojem je prema horizontalnoj saobraćajnoj signalizaciji i to saobraćajnom znaku izričite naredbe „obavezno zaustavljanje“ bila u obavezi prethodno zaustaviti vozilo i dati prednost svim vozilima koja se kreću cestom na koju nailazi, što nije učinila, već je nastavila preduzimati radnju uključivanja na regionalni put usljed čega je u saobraćajnoj traci namijenjenoj za saobraćaj vozila iz pravca Tešnja u pravcu Jelaha, oduzela pravo prvenstva prolaza motociklu marke „...“, registarskih oznaka „...“ kojim je upravljao S. R. kojom prilikom je došlo do naleta i udara prednjeg dijela motocikla sa lijevom bočnom stranom vozila marke „...“, tip „...“, i time tako ugrozila bezbjednost javnog saobraćaja, usljed kojeg udara i pada na kolovoz je vozač motocikla S. R. zadobio povrede u vidu oguljotine kože oba koljena, oguljotine kože dorzume oba stopala, oguljotine kože brade i kompresivni

¹ ("Službeni glasnik Bosne i Hercegovine", brojevi: 6/2006, 75/2006 - ispr, 44/2007, 84/2009, 48/2010, 48/2010 - dr. zakon, 18/2013, 8/2017, 89/2017, 9/2018, 46/2023 i 88/2023)

² Pravilnik o saobraćajnim znakovima i signalizaciji na cestama, načinu obilježavanja radova i prepreka na cesti i znakovima koje učesnicima u saobraćaju daje ovlaštena osoba

prijelom prvog slabinskog pršljena koje povrede po svom sveukupnom dejstvu na život i zdravlje organizma predstavljaju teške tjelesne povrede,

dakle, kao učesnik u saobraćaju na putevima koji se ne pridržava saobraćajnih propisa, time tako ugrozila javni saobraćaj, da je dovela u opasnost živote ljudi, pa je zbog toga prouzrokovala tešku tjelesnu ozljedu jedne osobe,

čime bi počinila krivično djelo Teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 58/2025), u daljem tekstu "KZ F BiH").